

金剛頂超勝三界經說文殊五字真言勝相

唐北天竺三藏沙門大廣智不空奉詔譯

爾時金剛手菩薩摩訶薩等一切菩薩皆於毗盧遮那佛前各自說心真言印於是曼殊室利菩薩摩訶薩從座而起白佛言世尊我

諫七

十八

今為欲利益未來一切諸有情故速得成就摩訶般若波羅蜜多若人纔誦一遍如誦八萬四千十二圍陀藏經若誦兩徧文殊師利普賢隨逐四眾圍繞加被是慈無畏護法善神在其人前阿難白文殊師利言當說此真言時有十萬億佛現如是諸佛一一毛孔出十萬億菩薩一一菩薩毛孔各出十萬億龍王一龍王毛孔各出十萬億龍女一一龍女毛孔復出十萬億青象一一青象毛孔各出十萬億白象一一白象毛孔各出十萬億

香象一一香象毛孔復出十萬億山象一一山象毛孔復現十萬億寶院一一寶院復現十萬億八功德水池其池四寶合成一一寶池皆出十萬億閻浮檀金光復於一一光中皆現十萬億圓光一一圓光化出十萬天女

嚴持種種供養如是殫伽沙數四眾一時共集大會同音說此真言現三摩地三昧我今略說少耳知其功德無量即說五字真言曰

阿囉跋左曩

諫七

十九

若善男子善女人有能持此真言纔誦一遍即入如來一切法平等一切文字亦皆平等速得成就摩訶般若為諸弟子受此心真言時令結密印以二手金剛縛並建忍願屈上節如劔形印上盛華散壇供養然應告言此

法門一切如來秘密最勝慎勿輕爾為愚人  
說破汝三昧戒善諦思惟

阿者是無生義

囉者清淨無染離塵垢義

跛者亦無第一義諦諸法平等義

左者諸法無有諸行義

曩者諸法無有性相言說文字皆不可得  
義以曩字無有性相故左字無有諸行以左  
字無有諸行故跛字無第一義諦以跛字無  
第一義諦故囉字無有塵垢以囉字無有塵  
垢故阿字法本不生義善男子當觀是心本  
來清淨無所染著離我我所分別之相入此  
門者名三摩地是真修習當知是人如來印  
可殊勝功德不可思議若誦一徧能除行者  
一切苦難若誦兩徧除滅億劫生死重罪若

誦三徧三昧現前若誦四徧總持不忘若誦  
五徧速成無上菩提若能一心獨處閑靜梵  
書五字輪壇依法念誦滿一月已曼殊菩薩  
即現其身或於空中演說法要是時行者得  
宿命智辯才無礙神足自在勝願成就福智  
具足速能階證如來法身但心信受經十六  
生決成正覺若不辦建立壇場香華供養及  
畫本尊以用香泥塗舍利塔梵寫五字真言  
旋繞念誦五十萬徧文殊菩薩現其人前而  
為說法當得宿命辯才一切如來諸菩薩等  
及執金剛恒沙聖眾常加護念速滿諸願疾  
證菩提廣如金剛頂經說

金剛頂超勝三界經說文殊五字真言勝相

音釋

|   |   |   |   |   |
|---|---|---|---|---|
| 切 | 穀 | 切 | 舍 | 鍍 |
| 捨 | 同 | 與 | 切 | 亡 |
| 指 | 奴 | 擊 | 舍 | 敢 |
| 捨 | 協 | 燒 | 瑤 | 闕 |
| 也 | 切 | 土 | 切 | 伽 |
| 搵 | 磚 | 切 | 何 | 水 |
| 手 | 烏 | 也 | 未 | 梵 |
| 祭 | 困 | 也 | 訕 | 語 |
| 也 | 切 | 切 | 所 | 也 |
| 齒 | 驅 | 要 | 壘 | 葛 |
| 切 | 雨 | 力 | 大 | 切 |
| 巖 | 巖 | 也 | 也 | 切 |
| 切 | 魚 | 也 | 也 | 切 |
|   | 蹇 | 威 | 桑 | 古 |